



Universitätsbibliothek Paderborn

Instructio practica ...

Continens Armamentarium Seu Panoplima Spiritualem - Id est, Varia arma
& media ad omnis generis tentationes fortiter sustinendas, & feliciter
superandas, Ad Omnium Quidem Animarum

Lohner, Tobias

Dilingæ, 1688

Tent. III. De multitudine Tentationum.

[urn:nbn:de:hbz:466:1-48377](#)

tius aggredi jussus, mox, ubi eum invasit, secundante Angelo feliciter superavit; ex quo viso didicit, non difficultem sibi fore victoriam contra tentationem, si alacri animo eidem resisteret.

TENTATIO IV.

De multitudine Tentationum.

XII. **A**chatius Novitus conqueritur suo Directori & Magistro, se tam crebras, & varias tentationes pati, ut vix respire, & ordinatijs suis occupationibus vacare liceat, atque adeò vocationem suam ob tantam temptationum multitudinem non modice periclitari. Quæritur, quomodo juvandus, & armandus sit?

Responso.

XIII. Primo eidem narrat, quid Eliseus Puer suo, quando civitatem Exercitu circumdatam nuntiavit, & clamavit: Heu, heu, heu, Domine mi, quid faciamus? responderit dicens: *Noli timere, plures enim nobiscum sunt, quam cum illis:* id quod Puer reipla vidit, quando DEUS ad preces Elisei oculos illi aperuit. Id ipsum ergo sibi quoque fieri credit, uti in simili casu Moyses Abbas Isidorus Monacho ostendit, cum enim hic ob temptationum multitudinem fugam ex Monasterio meditaretur, Moyses ab initio quidem ex parte Occidentis eum per fenestram prospicere, & ingentem dæmonum multitudinem vide-re jussit, sed mox ad partem orientalem ducto majori SS. Angelorum ad auxiliandum ipsi patatorum copiam monstravit, & eadem Elisei verba repetit: *Noli timere, plures tecum sunt, quam contra te.*

XIV.

XIV. Secundò revocet in memoriam illi ; quid Jonathas Filius Saul 1. Reg. 14. egerit , dixeritque , dum ad Armigerum suum dixit : *Veni , transeamus ad stationem incircumcisorum horum , & fortè faciet Dominus pro nobis ; quia non est Domino difficile salvare vel in multis , vel in paucis :* Idem ergo & sibi dictum credat , imò & illa ad Regem Josaphat 2. Paral. c. 20. dicta verba repeti : *Nolite timere , neque paveatis hanc multitudinem ; non enim est vestra pugna , sed DEI . Tantum modo confidenter state , & videritis auxilium Domini super vos.*

XV. Tertiò significet illi , quòd etiamsi millies plures essent Tentatores , ne capillum tamen move- te , multò minùs verò grave damnum inferre possint sine voluntate DEI ; id quòd rectè S. Antonius ipsis demonibus exprobavit , quando ad illos , cùm varijs bestiarum formis assumptis cingebant eum , & velut jamjam laceraturi terrebant , intrepidus dixit : si quid vi- rium haberetis adversùs me , unicus sufficeret , quid er- go opus apparatu tanto ? En adsum , lacerate me , si permisum est vobis : sin minùs , frustranea est rabies vestra . Hoc ipsum S. Gregorius l. 2. mor. c. 3. pul- chè per exemplum Job confirmat sequentibus ver- bis : *Ecce permissionem verberis comitatur custodia pro- tectionis , & Electum suum divina dispensatio custo- diendo deserit , deserendo custodit , alia illius prodit , alia protegit . Si enim Job totum desereret in manu tanta Adversarij , homo quid esset ? in ipsa ergo justitia per- missionis miscetur , quadam libra pietatis , quatenus in uno , eodemque certamine & servus humilis ex oppres- sione proficiat , & hostis superbiens ex permissione suc- cumbat . Idem ergo in manu DEI , idem in manu*

B

dia-

diaboli est , quia tenuit , quem concessit : & dando non dedit , quem Adversary sui jaculis eiiciens abscondit.

XVI. Quartò illi ostendat , quantam occasionem habeat , inter has tentationes in meritis & virtutibus proficiendi , ut de illo perinde ac de sponsa dici queat , sicut lilyum inter spinas , sic amica mea inter Filias Adæ. Qua de re S. Bernardus l. 48. in Cant. præclarè sic discurrit : *Donec in carne est Anima , inter spinas profecto versatur , & necesse est , ut patiatur inquietudines temptationum , tribulationumque aculeos. Quod si lilyum est juxta Sponsi verbum , videat quām vigilem , sollicitāmque esse oporteat fuisse custodia sui , septæ undique spinis hinc inde aculeos intendentibus ; nec enim vel levissimam spinæ punctionem ulla tenus sustinet floris teneritudo , sed mox , ut modicè premitur , perforatur. O tener , & delicate flos , ô candens lilyum , increduli & subversores sunt tecum , vide , quomodo caute ambules inter spinas. Plenus est Mundus spinis , in terra sunt , in aere sunt , in carne tua sunt , versari in his , & minimè laeti , divina potentia est , non virtutis tuae. Etsi igitur undique tibi prospicias tribulationum (& temptationum) tanquam tribulorum aculeos intendi , non turbetur cor tuum , neque formidet scientia , quia tribulatio patientiam operatur , patientia probacionem , probatio spem , spes autem non confundit. Considera lilia agri , quomodo inter spinas vigent , ac nitent.*

XVII. Quintò denique narret eidem , quid Sener quidam Fratri , qui querebatur , quod multæ cogitationes ipsum sollicitent , & nesciat , quomodo resistere illis debeat , responderit , dum scilicet illi dixit : Non repugnes contra omnes , sed contra unum ; omnes enim cogitationes Monachorum habent unum ca-

put; necessarium ergo est, quæ, & qualis sit, & adversus illam teniti; ita enim & residuæ cogitationes humiliantur.

TENTATIO V.

Circa diuturnitatem temptationum.

XVIII. **M**elania Virgo, cùm temptationes suas confessario suo aperuisset, fatetur, se quidem agnoscere utilitatem earundem, hoc unum tamen vehementer illam cruciare, quod nulla ipsi ab iisdem quies concedatur, & quod multis jam annis continuò petierit à DEO liberationem, nec tamen impetrarit. Quæritur, quomodo hic ejus dolor leniens sit?

Responsio.

XIX. Primo suadeat ipsi, ut sequatur exemplum Frattis illius, qui tentatus, ut exiret à Monasterio, semper vesperi dicebat: cras abibo. Mane autem facto dicebat: Extorquebo, ut etiam hodie maneam propter Dominum; & sic novem annis faciens tandem liberatus est à temptatione, uti l. 9. in Vitis PP. narratur. Simili ergo modo eam circa temptationes procedere jubeat.

XX. Secundo Exemplum generosorum Ducum & Militum ei obijciat, qui hoc unum dolent, si copiam pugnandi ob defectum hostium non habeant, felicissimosque se judicarent, si perpetuos Hostes & bellum nancisci possent; si ergo illi pro corruptibili corona & gloria hoc possunt, & faciunt; quidni idem ipsa propter incorruptibilem & immortalem gloriam facere possit, & libenter debeat? Hanc sanè

B 2

ob-